

















名媛詩歸卷之五目錄

晉三

太真夫人

贈馬明生

二首

右英夫人

授楊真人許長史

二十五首

告簡文帝





新嘉坡大馬路

門牌五十四號

大英夫人

新嘉坡大馬路

大英夫人

晉三

早

命效新嘉坡大馬路



名媛詩評卷之五

景陵鍾 惺伯敬點次

晉 三

太真夫人

太真夫人者王母之小女也年可十  
六七名婉羅字勃遂事玄都太真有

子名三天太上府司直總糾天曹之遺比  
地上之卿佐年少好委官遊逸虛廢事任  
有司奏劾以不親局察降主東嶽退真王  
之編司鬼神之師五百年一代其職夫人  
因來視之勵其後使修政事以補其過道  
過臨淄縣值縣小吏和君賢爲賊所傷當  
時殆死夫人見而愍之問其何傷乃爾君  
賢以實對夫人曰汝所傷乃重刃關於肺  
五臟泄漏血凝絳府氣激腸外此將死之  
急也不可復生如何君賢知是神人叩頭



求哀乞賜救護。夫人於肘後筒中出藥一丸，大如小豆，卽令服之。登時而愈，血絕瘡合，無復慘痛。君賢再拜跪曰：「貧家不足以謝，不知何以奉答恩施。」唯當自展驚力，以報所受耳。夫人曰：「汝必欲謝我，意亦可嘉。可見隨去否？」君賢乃易姓名，自號馬明生，隨夫人執役。夫人還入東嶽岱宗山峭壁石室之中，上下懸絕，重巖深隱，去地千餘丈。石室中有金牀，王凡珍物奇瑋，乃人跡所不能至處也。明生初但欲學金齋，友旣見其神仙來往，乃知有不死之道。旦夕供給掃洒，不敢懈倦。夫人亦以鬼怪怖狼，眩惑衆變試之。明生神明澄正，終不恐懼。又使明生他行別宿，因以好女於卧息之間，調戲親接之。明生心堅志靜，固無邪念。夫人或行去十日五日，還或一月二十日，還見有仙人賓客，乘龍麟駕虎豹往來。或有拜謁者，真仙彌日盈坐。客到輒令明生出。



外別室。或立致精細園食。肴果非常。香酒  
奇漿。不覺而至。不可目名。或呼明生。坐與  
之同飲食。又聞坐中有琴瑟之音。歌聲宛  
妙。夫人亦時自彈琴瑟。有一弦五音。並奏  
高朗。響激聞於數里。衆鳥皆爲集於岫室  
之間。徘徊飛翔。驅之不去。逮天人之樂。自  
然之妙也。夫人棲止。常與明生同石室中。  
而異榻耳。若幽寂之所。都唯二人。或行去。  
亦不道所往之處。但見常有一白龍來迎。  
夫人卽着雲光繡袍。乘白龍而去。其袍專  
是明月珠。綴着衣縫。帶玉佩。戴金華太玄  
之冠。亦不見有從者。旣還。卽龍自去。不知  
所在。石室玉牀之上。有紫錦被褥。緋羅之  
帳。中有服玩之物。瑰金函奩。玄黃羅列。非  
世所有。不能一一知其名也。兩卷素書。上  
題曰九天太上道經。明生亦竟不敢發。舒  
視其文也。唯供給洒掃守巖室而已。至於  
眼玩。亦不敢竊闕之。亦不敢有所請問。如



此五年。愈加勤肅。輒不怠惰。夫人謂之曰。汝可謂真可教也。必能得道者也。以子俗人。而恭仰靈氣。終莫之廢。雖欲求死。亦焉可得乎。因以姓字本末告之。曰。我久在人間。今奉君王命。又被太上召。不復得停。念汝專謹。故相語。欲教汝長生之方。延年之術。而我所授。服以太和自然龍胎之醴。適可授三天真人。不可以教始學之者。固非汝所得聞矣。縱或聞之。亦必不能用之。持身也。有安期先生。曉金液丹法。其方秘要。是元君太一之道。白日昇天者矣。安期明日來。吾將以汝付囑之焉。相隨稍久。其術必傳。明日安期先生至。乘駁麟。著朱衣。戴遠遊冠。帶玉佩。及虎頭鞶囊。視之。可年二十許。潔白嚴整。從六七仙人。皆執節奉衛。見夫人。甚揖敬。稱下官。須臾。厨膳至。飲宴半日許。夫人語明生曰。吾不復得停。汝隨此君去。勿憂念也。我亦時時當往視汝。目



以五言詩二篇贈之曰可以相存明生流涕而辭乃隨安期先生去後授以九丹之道

○贈馬明生

暫捨墉城內命駕岱山河仰瞻太清闕雲樓鬱嵯

我虛中有真人來往何紛葩鍊形保自然

仙人立意不過

如俯仰挹太和

此却以工夫指授之也開示親切覺他人贈詩與此不同朝朝

九天王夕館還西華流精可飛騰吐納養青牙

平平

說去自有

至藥非金石風生自然歌

與上句若不相蒙而靈飄

忽動自成音響

上下凌景霄羽衣何婆娑五嶽非妾室玄



都是我家下看榮競子篤似蛙與蟆

篤似二字罵得憤極快極

要之此輩即欲訓誨亦是無益只足供仙人笑罵而已

眄顧塵濁中憂患自

相羅

自字說得重非相羅字重也

苟未悟妙旨安事於琢磨

以警

策悚動語令他急切下手使知洒掃謹嚴亦只一節而已

禍湊由道泄密慎禍

臻多

密慎是省察語非戒謹語也

一字不說贈別而溫純篤摯言外已見觀其訓勉諄至亦只略說大意由彼誠謹守訥質近自然不患其不成道也此是仙人斟酌用語處

○其二

昔生岷陵宮共講天年延金液雖可遐未若太和



仙仰登冥仙臺。虛想詠靈人。

詠靈二字。幽微。虛想二字。杳忽。如在烟雲

縹緲中。

忽遇扶桑王。九老仙都真。駕驂紫虬輦。靈顏

一何鮮。啓我尋常塗。邀我自然津。

仙人只說尋常自然。奈何人反

看得高遠也。

告以飛鴻術。授以玉胎篇。瓊膏凝玄氣。

深厚

中有至理。

素女爲我陳。俯挹琳鳳訣。仰上飄三天。雲網

立爾步。

爾字。若有所指。奧氣空響。非語言文字可尋。

五嶽可暫旋。玄都

安足遠。

此安足字用得拘。

蓬萊在脚間。傳受相親愛。

親愛着在

傳受上。恁般有情。只從正業上起見。

結友爲人天。

神思曠遠。丰度莊嚴。俱爲大地衆生

說法耳。味其語氣得之。

替卽游刑對。

對字。嚴嚴可畏。

禍必無。愚賢祕



則享無傾。泄則軀命顛。

叮嚀囑累。皆以禍甚於福言之。正爲盛滿好盈之士

作戒

耳。

奧博沈麗。仍有高秀之氣。至大道淵源。亦微從和悅敦質中出之。歸本授受。尤使其人不敢輕相竄襲也。

右英夫人

雲林右英夫人。名媚蘭。字申林。王母第十三女也。受書爲雲林宮右英夫

人。治滄浪山。晉興寧三年乙丑七月三日。東嶽上卿司命諸真同降於楊君。因受書曰。弱喪潤養。篤靈未盡。倚伏異因。雲梯未抗。雖有懷於進趨。猶未淵於至理矣。君才實天工。以清瀾凝浪於高韻。志栖神乎太玄。期紫庭而步空矣。有心洞於飛滯。柔翰鬱乎冥契也。動合規矩。等圓殊方。靜和真味。吐納興音。可謂縱誕德挺良爲欽然矣。



然穢思不豁。鄙恡內固。淫念不斬。靈池未  
澄。將未得相與論亡外之期。況二景之交  
耳。夫失机者貴在能改。相釋有精。今無妨  
矣。雖暫弭群聽。故克和也。前途悠邈。此比  
非一漏緒多端。當恒戢密。苟情有愆。散得  
隨事失悟。言微矣。將何以遏之。將何以遣  
之。清響散空。神風洒林。身超冥衢。志詠靈  
音。仁侯其人也。守真一勤篤者一年。使頭  
不白而禿髮再生。苟內憂子孫。外綜王事。  
朋友之交。耳目廣用。聲氣雜役。此亦無益  
矣。又述玉斧修道之事。因喻以薛季和七  
試不過。乃長里先生薛公之弟。爲淫佚失  
位。然性好簫音。鳳響長里。乞之於太上。使  
其生。因言肇阿陰德。可以及於許侯。玉斧  
也。又云。聞北風則悲。覩啓曜懷泰。思駿騄  
以慕騁。嘉柔順以變鬱。世人之心。曷嘗不  
爾。此則其本鄉之風氣。首丘之內惑也。苟  
能信之。君其諧矣。如其壅宏素欲。丹絳不



暢靈人。攜手而空返。高友歛袂而迴宴。神氣不勝其宅。寂通不鼓其目。自命矣夫。故可悲耶。夫得道者。以其排却衆累。直面而進。於是百度自靜。衆務雲散。該其優者。不足爲勞。披於艱者。可以表心。正月中必有龜山客來。賢者之舉。復宜詳之。自古及今。死生有津。顯嘿異會。藏往滅智。與世同之者。皆得道之行也。若夫瓊丹一御。九華三飛。雲液晨酣。流黃徘徊。仰咽金漿。咀嚼玉粦者。立便控景。登空玄昇。大微也。自世事乖玄。斯業未就。常暫履太陰。潛生冥鄉。外身棄質。養胎虛宅。陶氣絕籥。受精玄漠。故改容於三陰之館。童顏於九練之戶。然後知神仙爲奇死而不亡。去來之事。理之深也。夫垂蔭萬畝者。必出峻極之嶺。滔天振岑者。必發板桐之源。洪哉積陰德之賢。有以邠人也。逸麟逍遙大荒之表。故無羈絡之憂。靈有振翅玄圃之峯。以違羅紲之患。



人之修道。豈厭乎藏身之密。匿迹之深也。且尋飛絕影之足。不能騁逸於呂梁。凌波浪泉之舟。不得陟峻於太行。此才之異也。繁林翳薈。則羽族雲華。玄泉浩瀚。則鱗羣競赴。此在德之茂也。爲道者實爲勤苦。必得之矣。學道者當在專道。任真情。無散念。撥奢侈。保冲白寂。焉如密有所覲熙焉。如潛有所得。專如臨深谷戰。如履薄冰。此得道之門耳。而未得道之室也。所謂學道甚難。而甚易。若其探玄耽味。保和天真。注神栖靈。耽研六府。惜氣杜情。無視無聽。此學道之易也。若其不能行此數者。所以爲難也。况山嶽氣擾。則禽獸號于林川。瀆結滯則龍蛇慘於澤。此自然象也。苟趨捨理乖。則吹萬之用不同也。非靜順無以要謙。非虛栖無以冥會。思之無邪。則無禍害矣。在冥其心。而斥其累。澄其源。而清其流也。若南起而北騁。心念而口違。捐薺芑而茹荼。



啗九成而悅北鄙。我知其無識。和音之聽鑒也。因告晉簡文帝。宜以麝香一具於頸間辟水注及惡夢。學道在積功累善。太虛真人常云。人有衆過而不自悔。罪歸其身。如川赴海。日益深廣矣。有惡知非悔過從善。亦得道也。夫人遇我以惡者。以善對之。遇我以禍者。以福對之。善常在已矣。惡人害善人。如常仰天而唾。唾不污天。還自汚身。逆風揚塵。塵不汚彼。還汚其已。道不可毀。禍必滅已。又飯凡人百。不如飯一善人。飯善人下。不如飯一寒栖。學道之人。此高真之秘言。太上之要戒也。財色之於身也。譬如小兒舐刀刃之蜜。蜜不足以美口。而有截舌之憂。戒之哉。愛欲之大。莫大於色。其罪無外。其惡無救。得不戒耶。學道在陰德。施惠解救也。用志莫大於守身。奉道其福甚大。其生甚固。



授楊真人許長史

駕歟遨入虛，迴宴東華房。阿母延軒觀，朗嘯躡靈

風。

肅然朗然，覺有神氣，差我靡漫，含混太虛，而呼吸萬壑。

我爲有待來，故乃

越滄浪。

似此虛虛作，曷說便覺有首章之意，移入中後邊，只見其懈緩散漫，不復有疏朗之致矣。

○其二

騰躍雲景轅，浮觀霞上空。霄輶縱橫舞，紫蓋託靈

方。

三字與遂中，有靈爽之氣。

朱烟纏旌旄，羽被扇香風。雷號猛



獸獲電吟奮玄龍。鈞籟昆庭響。金筑唱神鐘。採芝

滄浪阿。掇華八渟峯。

忽而張皇震動。忽而游衍舒徐。神情暇豫。興致淋漓。固是

蓬島逍遙境界。必非尋常人樂事也。

朱顏日以新。

新字秀甚。然妙在自以二字。用得婉

出。而劫徃方嬰童。養形靜東岑。

養形以靜東岑。非東岑之靜。可以養形也。

作者原重在養形。足以徧空六字。八方。聊以東岑二字實之耳。觀下七神句自見。

七神自

相通。風塵有憂哀。隕我白鬢公。

公字大有感歎

長冥遺遐

歎恨不早逸蹤。

諸仙詩徃徃從歡樂中說到愁歎悲哀處。蓋其心目之間。所觸動者皆是癡迷淫蠢之輩。全不知學道為何物。故先以樂處感動之。而後復以可哀可感之語。警惕之也。



總是收攝人  
心入道耳

○其三

停駕候舒移。迴輪返滄浪。未覩若人遊。偶想安得

康。

若人及偶想皆忽忽有所指。然情深處猶在未覩。安得康五字中。

良因候青春。

候字作時字解。平淡得妙。不可作伺字解。與下敘字相應也。

以敘中懷忘。

說向青春

有情此種理性微妙不可言。

味其幽遠修澹之况。却又似陶靖節讀山海經諸詩。

其四

控景浮紫烟。八景觀汾流。羽童捧瓊漿。玉華餞琳



煦相期白水涯揚我歲蕤珠

揚我二字便慧

輕動用實語無庸拙氣

○其五

滄房煥東霞紫造浮絳晨雙德秉道宗

雙德二字奇一作

鎮真伯籓入臺可盼日北看迺飛元

北看確有定見當即七曜

飛昇意

清淨雲中視眇眇躡景遷

遷字妙在說出眇眇二字吐納

洞嶺秀藏暉隱東山久安人事上日也無虛閒

如此

琢句情文深至可想其奧理奇解亦只在人耳目前也○妙在上字與也字

豈若易翁

質反此孩中顏



○其六

晨闕太霞構，玉室起霄清。領略三奇觀，浮景翔絕。

冥。

凌絕杳上。纔映出領略二字。

丹華空中有，金映育挺精。

五字合來

自奇不必求其作解也

八風鼓錦披，碧樹曜四靈。

奇景寫出來便幻絕

華蓋蔭紫蘭，紫轡策綠駢。結信通神交，觸類率天。

誠。

精思至理。摠是至道感應。率然說出。亦令人悟。

何事外象感，須覩瑤玉。

瓊。

奇處在質。古處在奧。澄心靜理。總以藏固密微為至。使下士讀之。亦神游上清玉虛之府矣。



○其七

三景秀鬱玄、霄映朗八方、丹雲浮高宸、逍遙任靈

風、

畢竟是仙人行徑。

鼓翼乘素颿、竦眄瓊臺中、

竦眄二字說得耳目

皆有靈慧、

綠蓋入協晨、青駢擲空同、右揖東林帝、上朝

太虛皇、玉賓剖鳳腦、嗽酣飛葉漿、雲鈞回曲寢、千

音何琅琅、錦旂召猛獸、華幡正低昂、香毋折腰唱、

紫烟排棟梁、總轡高、清闕、解駕佳人房、

一派遊樂事、寫來神

動。

昔運挺米兆、靈化順氣翔、

幽深微眇。皆以森挺出之。鼓盪元氣。只須

一順字

心渺玄涯感、年隨積椿崇、形垢并臭味、動

了却也。



靜失滄浪

動靜二字。如此用。亦深。

我友實不爾榮辱昨已忘

我友呼得不輕。不苟正猛動他處。○實不爾三字。決然信他得過。其所以決然信得過者。正以昨已忘故也。順遍下有。意不可分兩截語。

右英夫人詩。畢竟帶得晉人聲口。如我友實不爾。榮辱昨已忘。與靖節亦知當垂分。未謂事已及。及運生會歸。盡終古謂之然等句。同一語氣。當由清適朴至。理趣相似。而委宛轉動中。具有神韻耳。然神仙降授亦因時會遷變。若必以高質之語。使受者不解。亦非所以開示斯世也。觀西王母贈魏夫人等詩。便與天子謠。另是一格。則與時升降之故。略可見矣。

○其八



絳景浮玄晨，紫軒乘烟征。

烟征二字。瘦妙。乘烟字勝却乘雲乘風等多少。

仰超綠闌內，俯眄朱火城。東霞啓廣暉。

二字亦神。覺靈厚。

光煥七靈翳，映汎三燭。

翳映字。汎字。如有層深蒼鬱之處。

流任自。

齊冥。

此句甚質奧。然即靈化順氣翔意。

風纏空洞宇，香音觸節生。

靈通幽會。忽然觸處得之，不能逐想解之也。尤妙在用香音二字。

手携織女儷，併。

衿匏瓜庭左，徊青羽旗華蓋隨雲傾。宴寢九度表。

是非不我營，抱真栖太寂。金姿日愈嬰，豈似愁穢。

中慘慘無聊生。

○其九



四旌曜明空。朱軒飛靈丘。玉蓋蔭七景。鼓翼霄上浮。九音朗紫空。玉璫洞太無。宴詠三晨宮。唱嘯呼我儔。人天歡宴俱有。不覺春已來。不覺處。正在已。字上見。靈悟中。忽然。豈知二景流。佳人雖兼忘。兼愛兼容等字。詩着想。從未有忘着。偶然寫來。而未放百憂長林真。不覺入妙。以此知鍊字之法。可靜巖中自多娛。

此詩專以虛字取勝。而古質之氣自在。覺更有靈活之趣。總之虛處須以厚氣粧裹。質處須以靈機運動耳。

○其十



北登玄真闕。携手結高羅。香烟散八景。玄風鼓絳

波。仰超琅園津。俯眄霄陵阿。玉簫雲上奏。鳳鳴動

九遐。乘氣浮太空。乘氣妙在用浮字。曷為躡山阿。金節命

羽靈。此靈亦不熟。微兵折萬魔。微兵二字。有憤激意。齊挹二晨暉。

千春方嬰牙。喪真投競室。說得庸衆人。不解當奈自投羅網。

何。

此則有矜奮之氣矣。當由激切開示人耳。然每從聞境見境。說到可哀可樂。可畏可歎。益和平之氣。不能驟感人之。聊以可微處。微微宛逗。使無外拒中逆之患。所謂漸引着勝地也。



○其十一

仰盼太霞宮、金閣曜紫清、華房映太素、四軒皆朱

瓊、擲輪空洞津、總轡儻綠輶、玉華飛雲蓋、西妃運

錦旂、翻然塵濁涯、儵歟佳人庭。

屢用佳人字。覺有沾沾色喜之態。○

誦二此語。知人天迷悟關頭。

宿感應真降所招已。

在冥。

說得神仙分位。仍有感通靈應之故。若即其人之言動作爲。皆有冥冥制使。可見有靈性

人。已具上根靈秀之氣。不可悠忽怠緩錯過也。此亦是策勵人語。

乘風奏霄晨共

酣丹林。翬公侯徒眇眇。安知真人靈。

乃知神仙具此一副傲骨

近性。不然安得此徒眇眇三字。



○其十二

清晨挹絳霞、總氣霄上遊、徊軒躡曲波、遂覩世人

憂。

說得愈哀切。只在曲波上。便看出世人如許衷曲。

辭旨蔚然起。

詞氣縝藉。乃更

情深。

不散三秀嶠、何若巡玄鄉、撫璇爲爾娛。

三字亦甚親愛。

君心安有際。

說向願力深廣。轉自其心。揣量正所反跌着數馬。

我願有中

無。

語意反覆。向彼實實說出。一無所諱。如此。恐亦不能不急急自勉也。

○其十三

轡景登霄晨、遊宴滄浪宮、綠雲繞丹霞、靈藹散八



空、上真吟瓊室、高仙歌琳房、九鳳唱朱籟、虛節錯

羽鍾、

虛節二字。亦幽遠。

交栖金庭內、結我冥中朋、俱挹玉

醴精、倏忽已童嬰、云何當路蹲、愆疴隨日崇。

當路。隨日。

說境地之可危。

其十四

晨遊太素宮、控輶觀玉河、夕宴鬱絕宇、朝采圓景

華、彈璈北寒臺、七靈暉紫霞、濟濟高仙舉、紛紛塵

中羅、盤桓囂藹內、

囂藹二字。新覺。絳藹靈藹俱甚。平常矣。○盤桓有溺而不返之

意。愆累不當多、



○其十五

駕氣騁雲輶

氣騁更覺幻冥之甚

晨登太淳丘。絳津連岑振。

清波鼓浚流。步空觀九緯。八綱皆已遊。暫宴三金

秀來觀建志儔。

建志二字。說得嚴正。建字。即建樹之建。見有志節人。卓然自立。自非

尋常勤懈不相掩。是以積百憂。

百憂之積。皆緣懈情來。即使勤勞。然

尚不能掩。况一於懈情乎。立言之肯。正在是以二字上見。聖賢仙佛。諄諄告戒。危語宛語。總要使人

通身慚愧。猛省精進耳。

○其十六

凌波越滄浪。忽然造金山。四顧終日遊。

四顧形容遊境自如。



罕我雲中人。

迂傲之氣。宛然在目。真見得塵濁昏迷之輩。胸中眼中。皆了不可着也。仙人亦不合

時宜乃爾。

其十七

紫闕構虛上，玄館衝絕飊。琳琅敷靈囿，華生結瓊

瑤。騁駟滄浪津，八風激雲韶。披羽扇，北翳

北翳即陰翳也。

仙人以陰幽之氣爲北。

握節鳴金簫，鳳籟和千鍾。西童歌晨

朝，心豁虛無外。

心豁便知朗然肅然。

神襟何朗寥，迴舞太空

嶺。六氣運重幽，我途豈能尋。

我途豈能尋。非拘畫之使不得踐也。正以



鄭重言之。使知不得輕忽耳。卽儒者云吾道佛使  
氏云彼岸。揔是使人去其邪僻。歸于正覺耳。使  
爾終不彫。

○其十八

玄波振滄濤。洪津鼓萬流。駕景眇六虛。思與佳人

遊。

思與二字。有徬徨追想之意。

妙唱不我對。

不我對。情事俱深。然妙在意甚直。不

作更深一層去。然亦不必更深矣。

清音誰可投。靈中騁瓊輪。何爲

塵中趨。

○其十九

松柏生玄嶺。鬱爲寒林桀。

贊松柏。只從寒林。作想。益覺高貴。若入他時



景物非俗品。卽酸解矣。然語氣亦決不能如此斬截。繁葩盛嚴冰。未肯懼白。

雪。說繁葩亦甚崛強。亂世重幽岫。此句笑盡從來。

隱。摠由亂世驅迫耳。非實實。巡生道常潔。潔字飛。

懷德慕道欲晦名全志也。此逸轡輪投此遐人轍。卽孔稚圭請迴俗士駕爲。

動。公侯可去來何爲不能絕。說得公侯何等扯淡。

不見有可戀處。

明是一首絕妙感遇詩。類集在此。使人不。

見真詩之妙。細閱一過。覺神思凝肅。心耳。

警動。他詩尚有真語。寶籙氣此却清真渾。

雅。只如唐人五言。古佳境以其聲情深秀。

格力嚴。

重故也。



其二十

清淨願東山，廕景栖靈穴。情情閑庭虛，翳薈青林

密。圓曜映南軒，朱風扇幽室。拱袂閒房內。拱袂。修攝景狀。

如畫。相期啓妙術。此相期字。又虛用得妙。寥朗遠想玄，蕭條神

心逸。

其二十一

縱心空洞津，疎轡策朱輶。佳。人。來。何。遲。道。德。何。時。

成。

惋惜悵嘆。不勝望道未見之思。寥寥短章。亦具數十百言之勢。亦以其語氣溫厚。無



局促拘窘之態耳

○其二十二

寓言必可用

只此一句說龍虎嬰姤等秘密之語。頑心鈍質不復求解。早被仙人勘

破矣。不用是無情

無情二字呵叱得盡情。

焉得駕歛跡尋此空

中靈徽音良有旨當用慎勿輕

叮寧再三言下仍有宛折之意。如此

用心。豈遂能忘情民物。觀下保爾見太平句。却和盤托出矣。

事應神機會保爾

見太平。

○其二十三

轡景落滄浪。騰躍青海津。絳烟亂太陽。羽蓋傾九



天雲與浮空同條。忽滄浪間來尋真中友。來尋二字。信得

真確。相携侍帝宸。王子協明德。贊語本道德性命。中事原本至極。非大識

力大學問。齊首招玉賢。此句却說出協字。尤妙在齊首二字。描畫情態。道德

性命語。復從形容中見之。便覺恍恍在人耳目前。下盼入河宮。上寢希林

巔。漱此紫瓊腴。方知穢途辛。佳人將安在。勤之乃

得親。結得深遠。

感慨激烈。摠由神情中迫發而出。然味其語氣。委死安詳。亦非漫然無所歸着。輒復津津向人道之也。

○其二十四



絳闕排廣霄，披丹登景房。紫旗振雲霞，羽晨舞八

風。停蓋濯碧谿，採秀月支峰。咀嚼三靈華，吐吸九

神芒。椿數無絕紀，協日積童蒙。五字慚悚交并玩

揔是愚痴下賤事。決非聰携袂明真館，仰期無上

皇。北鈞唱羽人，玉玄粲賢衆。音終。顧盼明動，舉

聚景像。妙在粲云何波浪字，得失爲我鍾。此句

賢衆三字，有道氣。引領囂庭內，開心擬穢衝。開

痛快，專從自己責備起。令人不得不畏之。罕躡希林宮，一靜安足苦。此

二字，用得猛省。習適榮辱域，試去視滄浪。又此



○其二十五

世珍芬馥交

何等獎掖。○唯最激切語專從不意中攝入

道宗玄霄會

振衣尋真疇

疇與儔想來互用。然覺此疇字尤有意

迴軒風塵際良

德映玄暉。穎拔粲華蔚。密言多儋福。冲靜尚真貴。

恒當二象交。携手同襟帶。

愛樂語。寫來入妙。

何爲人事間。

日焉生患害。

苦語使人不可讀。

凡爲深古之詞。必有莊靜之氣。然所運其莊靜者。尤在蘊含中。有靈秀耳。此道只從構思落筆處。自有一段微妙景况。蓋靈則不滯。秀則不庸。甚非細故。奈何今之所爲莊靜者。庸滯有餘。靈秀則不講。無怪其淺弱浮稚。而無醒躍之機也。



○其二十六

有心許斧子

有心妙。神仙不言。當采五芝。芝草不

必得汝亦不能來

得妙。譚友夏云。欺負汝來。當可得芝。

觀此二語。可見前二語。草與汝食。全是神仙一片熱心。

草與汝食

語亦帶戲。合全首細吟之。自見。

○○告簡文帝

精氣神妙。叅二儀。慎傳凡人賢者施

譚友夏云。婆心可念。然亦

不肯輕薄凡人。莫謂仙佛胸中。即

封天制地。無不

無無涇渭。天上無無眼神仙。

不宜子能寶秘天知之

譚友夏云。祈望成就心。吾



道要妙豈相欺。自有神奇先兵規。火寸三五天瑞。

之。

參同秘奧語。譚友夏云。天瑞之三字。什而妙。

隆代迭換運相推。明匠。

保德慎無思。

明匠保德。學問中人。已工夫。慎無思。是涵養中事。

驅惡除逆。

疾尋師。

譚友夏云。此學道真訣。不然尋師何益。又云。周處一流人。决是神仙所嘉。

萬

金之術龍之熙。隆數卒三失由兒。

此識也。事。前解不得。莫測。

其源劉向知。

譚友夏云。神仙亦畏世間聰明奧博人。

有兇撥亂皇復。

基。乘天命世遂平夷。制逆者誰必定期。

必定期。似有所屬。

近不足慮。憂遠危。五世之間真可悲。篡歷有數帝。

座虧。

說得心寒毛豎。此接引人急着。

嘗見變異紛紜來。金室在茲。



似識似誑。詞雜人鬼。神天。天地間。  
一種冥奧之文。在七言體中尤難。

名媛詩歸卷之五

終



一軒冥與之  
對難對晴陽  
人四  
八凱間



名媛詩歸卷之六目錄

宋

鮑令暉

擬青青河畔草

擬客從遠方來

擬自君之出矣

古意贈今人

代葛沙門妻郭小玉作

二首

寄行人



近代西曲歌

石城樂門妻渡小江歌

二首

估客樂今入

烏夜啼之出矣

襄陽樂歌大來

楊叛兒何物草

近代吳歌九首

春歌

夏歌之六目吟



秋歌

冬歌

前溪歌

上聲歌

歡聞歌

長樂佳

獨曲

近代雜歌

潯陽樂



青陽歌曲

蠶絲歌

雜詩

青溪小姑

青溪小姑歌

二首

齊

蘇小小

西陵歌

梁一



劉令嫺

答唐孃七夕所穿針

詠佳人

婕妤怨

春閨怨

王聽百舌

摘同心梔子贈謝孃因附此詩

有期不至

代陳慶之美人爲詠



光宅

題甘蕉葉示人

夢見故人

王金珠

子夜四時歌

春歌

三首

夏歌

二首

秋歌

二首

冬歌



咏殘燈

吳興妓童

贈謝府君

目次  
畢



月入

月入

月入

月入

月入

月入

月入

月入

月入

月入



名媛詩歸卷之六

景陵鍾 惺伯敬點次

宋

鮑令暉

鮑昭之妹、歌詩卓絕清巧、擬古尤勝、明遠嘗答武帝云、臣妹才自亞於左芬、臣

才不及太冲耳、

○擬青青河畔草

裊裊凌窗竹、藹藹垂門桐、灼灼青軒女、冷冷高堂

中、

冷冷二字。在高堂上看出。幽深閒寂。如有人孤坐其中。此與空閨易成響。小瞻空房怯。皆妙於

以屋宇形容美人愁怨之態。

明志逸秋霜、玉顏掩春紅、

掩春紅、有羞容



躑躅。進退難堪意。

人生誰不別恨君早從戎

作此解嘆。下句方深。鳴

弦慙夜月。緝黛羞春風。

擬客從遠方來

客從遠方來。贈我漆鳴琴。木有相思文。鳴有別離

音。

兩句興意相反。兩有字相呼應。三百篇興體亦有此。

終身執此調。

語氣勁直。不敢

負心。只此五字盡之。不必有下句矣。

歲寒不改心。願作陽春曲。宮商

長相尋。

○擬自君之出矣

自君之出矣。臨軒不解顏。砧杵夜不發。高門晝常



關常語寫來。自是凄其闇淡。帳中流熠燿庭前華紫蘭楊枯識

節異鴻來知客寒識字。知字俱有微意。尤遊暮冬

盡月除春待君還遊暮除春製字穩秀。令人一想則得之。再想愈不察其故。齊梁

諸作每用一二字。熨貼出深微之致。覺入口亦另是一調。繇其專以柔靜取勝。讀者於此尋繹。則思

過半矣。

擬作正以深古為佳。而奧響奇情尤須高出於原作之上。令暉清細簡約。雖不足繼

響前人。要不似時體活套也。

○古意贈今人

寒鄉無異服。羶褐待文練。何等古質。然思路異人處。只在用出一待字。



日日望君歸。年年不解綰。荆揚春早和。幽冀猶霜

霰。北寒妾已知。南心君不見。南心二字。無理之甚。聰明聲口。必細心慧

心。搖擺出之。非其人。則語意不能繾綣如此。尤妙在妾已知君不見上。作分開語氣。誰為

道辛苦。寄情雙飛燕。形迫杼前絲。幽動語全由筆舌能轉折。顏

落風前電。形迫顏落字。有靈秀氣。無俳偶氣。容華一朝改。惟余心

不變。

○代葛沙門妻郭小玉作

明月何皎皎。垂幌照羅茵。若共相思夜。知同憂怨

晨。即共明月。意化得妙。芳華豈矜貌。霜露不憐人。即積恨顏將老語意。



說向外邊一層不覺委曲沉痛

君非青雲逝飄迹事咸秦妾持一

生淚

三字寫出千古薄命苦人

經秋復度春

○其二

君子將遙役遺我雙題錦臨當欲去時

譚友夏云不可忘在

此

復留相思枕題用常著心枕以憶同寢行行日

已遠轉覺思彌甚

此首酷似蘇李

錄別諸逸詩

○寄行人

桂吐兩三枝蘭開四五葉是時君不歸春風徒笑



妾。情思警敏。在是時字徒字。

近代西曲歌

○石城樂

生長石城下、開門對城樓、城中美少年、出入見依

投、

連五字。逐字作解。有恍忽欣幸意。

飄忽駘宕。仍有質處。

○估客樂

有信數寄書。無信心相憶。

無此溫款。生不得下句激直。

莫作瓶

落井。一去無消息。



○烏夜啼

歌舞諸年少，娉婷無踵跡。

無踵跡三字。形容娉婷更深更細。

菖蒲

花可憐。

可憐字。用花字下妙矣。更妙在直作花聞上看。若倒用。或增一字用。便不入情艷。

名不會識。

驚情道艷。却以澹宕出之。與前曲別為一格。前曲不盡。不得此曲。欲盡。不得。作樂府妙於情求。一說則遠。須從聲響上得之。

○襄陽樂

朝發襄陽城，暮至大堤宿。大堤諸女兒，花艷驚郎

目。花艷二字。只作粗粗看。應上諸女兒字耳。本無深意。入口自成音響。俗人不解。便說妙在驚字。



上。

楊叛兒

暫出白門前。楊柳可藏烏。郎作沉香水。儂作博山

鑪。

二句各爲一意。似不相連屬。樂府中有此體。不得以不貫串目之。蓋此與不妨互用。但須轉掉。急疾耳。

近代吳歌九首

○春歌

朝日照北林。初花錦繡色。

鮮艷奪目。然着一初字。便非頑艷矣。誰能



春不思獨在機中織。

說得斬截便無滯褻之態。只是人孰無情意可想。端人胸

中。原非忘情。要在立念時耳。

### ○夏歌

鬱蒸仲暑月、長嘯北胡邊、芙蓉始結葉、拋艷未成

蓮、

結葉拋艷字。新銳。

### ○秋歌

秋威入窗裏、羅帳起風颺、仰頭看明月、寄情千里。

光。

落月滿屋梁。猶疑照顏色。及舉頭看明月。低頭思故鄉。皆從此處脫出。要不如寄情千里光。猶

為深婉。



冬歌

淵冰厚三尺、素雪覆千里、我心如松柏、君心復何似、

此甚庸然一問稍有含蓄

○前溪歌

黃葛結蒙龍、生在洛溪邊、花落隨流去、何見逐流

還、

何見二字不淺不深微有語意

○上聲歌

新衫繡兩褙、迮着羅裳裏、

迮着二字即穩稱意微步動輕塵、



羅裙從風起。

此却淫豔矣。然一字無淫氣。只覺其媚耳。

○歡聞歌

遙遙天無柱。流漂萍無根。單身如螢火。

比得微細。似使性語。

似發誓語。持底報郎恩。

○長樂佳

紅帳複斗帳。四角垂珠璫。玉枕龍鬚席。郎眠何處床。

用鋪張語。不說向情上。不覺待郎之厚。只覺罵郎之毒。



○獨曲

柳樹得春風。

得字有意

一低復一昂。誰能空相憶。獨眠

度三陽。

○近代雜歌

○潯陽樂

雞亭故人去。九里新人還。送一便迎兩。無有暫時

閒。

嘲笑薄情。却含怨怒。

○青陽歌曲



青荷蓋綠水。芙蓉發紅鮮。下有並根藕。上有同心蓮。

此等無味語。便開後人擬作庸套。

○蠶絲歌

春蠶不應老。不應字。有揣量意在深。晝夜常懷思。何惜微軀

盡。纏綿自有時。

驚憂悲顧。似有所指。似有所觸。委曲之意盡矣。

○雜詩

玉釵色未分。比擬得痴。衫輕似露腕。舉袖欲障羞。迴持



理髮亂。

舉動無端。盡露輕佻本色。而凝愁歛黛。正爾持情。

青溪小姑

青溪地名。小姑所居。蔣子文第三妹也。見楊升菴文集。

○青溪小姑歌

日暮風吹落葉依枝。

譚友夏云。依枝妙。

丹心寸意。

寸意從未經人

道。愁君未知。

譚友夏云上二語詠之有味。下遂吞吐情深。

○其二

歌闌夜已久。繁霜侵曉幕。何意空相守。

何意二字苦甚。坐。



待繁霜落

前歌意深。此歌意直。然尚有幽響。不覺其膚淺。

齊

蘇小小

樂府廣詩曰。蘇小小。錢塘名倡也。蓋南齊時人。西陵在錢塘江西。歌云。西陵松柏下。是也。一云。蘇小小。一名。簡簡。錢塘名妓也。宋司馬樵時夢小小牽帷面作歌。後蘇子瞻出遊西陵。尋其墓。在西陵山下。立碑記焉。

西陵歌

妾乘油壁車。郎騎青驄馬。何處結同心。西陵松柏下。



淫氣鬼氣。只可作夢中事。不然。何得有此褻昵聲口。

梁

劉令嫺

劉孝綽之妹。徐悱妻也。孝標三妹。並有才學。而令嫺最幼。所稱劉三娘者是也。

其兄孝綽。罷官不出。為詩題其門曰。閉門罷慶弔。高卧謝公卿。令嫺續之曰。落花掃。仍合聚蘭摘。復生文尤清拔。悱為晉安郡卒。喪還建鄴。令嫺為文祭之。辭甚淒愴。父勉。本欲為哀辭。及見此文。乃閣筆。蕭韶稱劉孝儀諸妹。文彩艷質。甚於神人也。

○答唐孀七夕所穿針

倡人效漢女。靚粧臨月華。連針學並蒂。縈縷作開

花。

此二句秀媚然只連針兩字妙耳。

孀閨絕綺羅。攬鏡自傷嗟。雖



言未相識聞道出良家

轉折處。只雖言聞道能帶入情思。今嫺一代才名。想

亦未必輕意筆墨。所以答詩之故。曾停霍若騎。經亦在此矣。觀倡人效漢女句得之。

過柳惠車無由一共語暫看日升霞

詠佳人

東家挺奇麗南國擅容輝夜月方神女朝霞喻洛

妃

四句何等醜態然尤惡在挺字。擅字。方字。喻字。一齊搬出。還看鏡中色。比艷

似知非

此二句尚是用思語

摘詞徒妙好連類頓乖違知夫

雖已麗傾城未敢希

○婕妤怨



日落應門閉。愁思百端生。

愁思百端生。着別處不。妙。愁苦真境。正在落日。

閉門時。非聰明閱歷人。不能知。○應字想去尤悲。

况復昭陽近。風傳歌吹

聲。

又說如此近情。事真難為懷。

寵移終不恨。讒枉太無情。

說自家品

地責備他人短。行。聲口皆委曲。

只言爭分理。

深於妬。亦只。只言二字。

非妬舞

腰輕。

女人作女人詩。專妙在曲於回護。

○春閨怨

花庭麗景斜。蘭牖輕風度。落日更新粧。開簾對芳

樹。

如此情。艷。皆。女人實事。

鳴鸝華中舞。戲蝶花間驚。

驚字。用。蝶上妙。



調琴本要歡。

要歡二字。用在調琴上。趣甚。韻甚。

心愁不成趣。

心愁作虛。

看非愁心也。

良會誠非遠。佳期今不遇。

今不遇。悵望中。甚是溫然。欲

知幽怨多。春閨深且暮。

令嫺詩。此首最爲修遠。疏澹中。仍藏密微之致。想路亦復清靈。視他作。另若一手。他作未免有率易處耳。

○聽百舌

庭樹且新晴。

妙在用且字能虛。

臨鏡出雕楹。風吹桃李氣。

過傳春鳥聲。

桃李氣。春鳥聲。分出已奇。桃李氣。不過傳出春鳥聲。此中生想。豈他人能

知。然亦實實真境。非此等慧心。便擲却。不肖。

盡寫山陽笛。全作洛濱笙。



如此熟事。全虧用。注意留歡聽。有此細心體會。方能寫出風吹桃李

氣過傳春。誤令粧不成。鳥聲十字。

幽吟靜想。自然情深。有此佳篇。真不愧一代閨秀。

○摘同心梔子贈謝孃因附此詩

兩葉雖為贈。雖為二字。情深。交情永木因同心何處恨梔

子最關人。

有期不至

黃昏信使斷。銜怨心悽悽。迴燈向下榻。轉面聞中

啼。轉面二字。正是一時破淚光景。



○代陳慶之美人爲詠

臨粧欲含涕，羞畏家人知。還代粉中絮，擁淚不聽

垂

不聽垂。強自制遏。妙在形容擁字。

○光宅寺

長廊欣送目

與甚

廣殿悅逢迎。何當曲房裏，幽隱無

人聲

寫出寬敞幽深景象。又復簡淨。乃爾。亦不必苦要作長篇矣。

○題甘蕉葉示人

夕泣似非疎。夢啼真太數。

似非疎。真太數。從何處記起。正是夢中昵昵景



况。唯當夜枕知過此無人覺

淒冷中忽生繾綣。靜思自然難堪。不必更寫入怨。

○夢見故人

覺罷方知恨。人心定不同

反似作寬解語

誰能對角枕長

夜一邊空。

妙在只說向角枕上。

此却怨恨難平。似激切中。按捺不定語氣。

附祭徐悱文。○維梁大同五年。新婦一薦

少牢於徐府君之靈。曰。惟君德爰禮智。才

兼文雅。學比山成。辯同河瀉。明經擢秀。光

朝振野。調逸許中。聲高洛下。含潘度陸。超

終邁賈。二儀既肇。判合始分。簡賢依德。乃

隸夫君。外治徒奉。內佐無聞。幸移蓬。性頗



習蘭薰式傳琴瑟相酬典墳輔仁難驗神  
情易促雪碎春紅霜雕夏綠躬奉正衾親  
觀啓足一見無期百身何贖嗚呼哀哉生  
死雖殊情親猶一敢遵先好手調薑橘素  
俎空乾奠觴徒溢昔奉齊眉異于今日從  
軍暫別且思樓中薄遊未反尚比飛蓬如  
當此訣永痛無窮百年何幾泉穴方同

### 王金珠

據古今樂錄云吳歌十曲曰子夜曰上  
柱曰鳳將雛曰上聲曰歡聞曰歡聞變  
曰前溪曰阿子曰丁督獲曰團扇郎皆梁  
所用曲也上柱鳳將雛二曲古有歌前溪  
爲內人包明月所作餘七曲皆  
金珠所作彤管新一作劉令嫺

### 子夜四時歌

### ○春歌



朱日光素水。黃花映白雪。折得待佳人。共迎陽春

月。待字。迎字。皆從無情處生。有情。妙在折得字。共字耳。

○其二

階上香入懷。庭中花照眼。春心鬱如此。

鬱如此。幽怨人。擺脫

不開處。情來不可限。

○其三

吹漏不可停。斷絃當更續。俱作雙思引。共奏同心

曲。雙思同心字。着俱作共奏字。隱映微宛。

○夏歌



玉盤貯朱李。金盃盛白酒。本欲親自持。復怨不甘口。

甚質甚俚。盡露親密之意。却復委曲貼體。不至踉蹌踈鄙。

其二

垂簾倦煩熱。卷幌乘清陰。風吹合歡帳。直動相思

琴。二語似念似謔。似喜似悲。

○秋歌

疊素蘭房中。勞情桂杆側。

勞情二字。看來亦細。

朱顏潤紅粉。

香汗光玉色。

潤字。光字。俱有思理。尤妙在光玉色三字。合得幽淡。光玉色。妙。玉色。



光便不妙矣。可悟用字順逆法。

○其二

紫莖垂玉露，綠葉落金櫻。著錦如言重，衣羅始覺

輕。摹寫輕盈體態。只將純綺付量出來。覺嬌無力等語皆粗。

○冬歌

寒閨周繡帳，錦衣連理文。懷情入夜月。忽然作想有此佳句

再想便不成思矣。含笑出朝雲。出入字。如此用亦妙。

諸歌情款本妙。然於清商曲辭。覺又另是一格。清商曲情思警敏。在則亂處艷動得

妙。此却以月言處求整也。



○子夜變歌

七綵紫金柱。九華白玉梁。但歌繞不去。

但歌繞不去。儘是下

句矣。不必更說盡。含吐有餘香。

○上聲歌

花。色。過。桃。杏。

色過二字。語態宛約。

名稱黃金瓊。名歌非下里。

含。笑。作。上。聲。

甚覺自負。其自負處在含笑二字。不在非下里三字。

出口甚文。亦甚慧。覺其性情亦甚溫雅。非專事調笑艷動者也。

、歡聞歌

艷艷金樓女。心如玉池蓮。

心如二字。用得反生。

持底報郎恩。



俱期遊楚天。

歡聞變歌

南有相思木，合影復同心。遊女不可求，誰能識得。

音。

三字直而冷。激而動。

全用漢廣章典意。然其文意亦爽捷。

團扇郎

手中白團扇，淨如秋潭月。清風任動生，嬌聲任意

發。

發字。便知非故作情態也。

上三句綴團扇字。止以一句宕下。總由一任字着力耳。



○丁督護歌

黃河流無極、洛陽數千里、  
軾軻。軾軻。戎旅間。  
軾軻有不平意。何

由見歡子。

情貌古厚。有段說不出處。

○阿子歌

可憐雙飛鳬、飛集野田中。  
飢食野田草、渴飲清河

流。

飢食渴飲。了不相關。正與人無患與人無爭也。何處着可憐兩字。於此深思。覺其中有一段說

不盡

在。

沈滿願

范靖妻也。長於詩。所著甚富。



○戲蕭娘

明珠翠羽帳。金薄綠銷帷。因風時暫舉。想像見芳

姿。

想像見。只從帷帳作想。曲而媚。

清晨插步搖。向晚解羅衣。

清晨向晚。

媿媿

託意風流子。

自矜自喜。不在風流二字。而在託意二字。曾懷翻動舉止狂逞。

形容得出。

佳情詎自私。

細玩八句中。有戲字意在。若作莊重詩。卽有此踟躕。未必如此狎褻也。

○詠燈

綺筵日已暮。羅幃月未歸。

歸字。有情在。羅幃二字上見。

開花散

鶴采含光出。九微風軒動。丹燄水檻淡。清暉

此句不說。



燈字。已明明是矣。咏物詩。必如此。不卽不離。方覺情想俱到。不畏輕蛾繞。惟恐

曉蠅飛。

詠五彩竹火籠

可憐潤霜質。纖剖復毫分。織作回風苕。製爲縈綺  
文。含芳出珠被。耀彩接湘裙。徒嗟今麗飾。豈念管  
凌雲。

平衍無俗態。然駿  
駿乎近時庸套矣。

○詠步搖花

珠花縈翡翠。寶葉間金瓊。剪荷不似製。爲花如自。



生。上句有思致。此句太直。

低枝拂繡領、微步動搖瑛、但令雲

髻插蛾眉、本易成、

此首尚有秀處。雖平調自佳。

○晨風行

理楫令舟人停、鱸息旅、薄河津。

息旅二字。有羈愁勞頓意。念君

劬勞冒風塵、臨路揮袂淚沾巾。

有臨路二字。方見揮袂沾巾之苦。

颺流勁潤、逝若飛。

勁潤寫颺勢入神。

山高帆急絕音徽、留

子句句獨言歸。

情煩語亂。有無限推就之意。偶然想到說出。不覺淚下。

中心

熒熒將依誰、風彌葉落永離索、神往形返情錯漠。



循帶易緩愁難却

極宵極曲恍惚中體貼如此

心之憂矣頗銷

鑠

○昭君怨

早信丹青巧

早信二字甚有怒意

重貨洛陽師千金買蟬鬢

百萬寫蛾眉

千金百萬罵盡當時一班無恥貨賂人○蟬鬢蛾眉瑣細如見皆從痴情

中想出

○其二

今朝猶漢地明旦入胡關高堂歌吹遠游子夢中

還

自說游子女人聲口如此



二詩只須如此。已復情緒慘然。深一層未必能怨。

○挾琴歌

逶迤起塵唱。

逶迤二字。情節得妙。

宛轉繞梁聲。調絃可以進。

蛾眉畫不成。

踏踟顧盼。寫盡羞澁之狀。細心如此。嬌痴如此。

○映水曲

輕鬢覺浮雲。

覺字入想。靈動。

雙蛾初擬月。水澄正落釵。萍

開理垂髮。

如何有此。生想。

冶容自好。絕去綺靡之習。幽情細語。宛轉生憐。讀其詩。覺幽旨溫文。不欲以嬌豔自



名。然正不能不  
名之爲嬌豔也。

登樓曲

馮高川陸近望遠阡陌多相思隔重嶺相憶隔長河。

無深意亦似  
偶然說來語。

○越城曲

別怨悽懽響。

此句使人  
不忍讀。

離啼濕舞衣願假烏棲曲。

願假二字哀  
怨中癡情。

翻從南向飛。

卽閒閒說去。  
覺憂思耿然。



○咏殘燈

殘燈猶未滅、將盡更揚暉、唯餘一兩焰、纔得解羅衣。  
說得殘燈多情。

一作紀少瑜詩。然不似男子口氣。蓋女人偶然成語。謂之爲詩。若男子語如此。亦算不得作一首詩也。

吳興妓童

○贈謝府君

玉釵空中墮、金鈿行已歇、獨泣謝春風、長夜孤明、月。



有怨氣。無歡情。凄  
風苦雨。讀之淚下。

名媛詩歸卷之六 終







名媛詩歸卷之七目錄

梁二

王氏

連理詩

孤燕詩

劉氏

昭君怨

暮寒

贈外



包明月

前溪歌

木蘭

木蘭詩

女子莫愁

莫愁樂

二首

陳

沈婺華

答後主



李氏

冬至

陳少女

寄外詩

樂昌公主

餞別自解

北魏

王肅妻謝氏

贈王肅



陳留長公主

代王肅答謝氏

胡后

楊白花

馮氏

青臺歌

北齊

盧士琛妻崔氏

饋面辭



馮小憐

感琵琶絃斷贈代王達

隋

侯夫人

自傷

粧成

自遣

自感

三首

看梅

二首



吳絳仙

謝賜合歡水果

杭靜

迷樓夜半歌

大義公主

書屏風詩

蘇蟬翼

因故人歸有感

張碧蘭



寄阮郎

羅愛愛

閨思

贈情人

丁六孃

十索曲

六首

秦玉鸞

憶情人



名  
錄  
言  
錄

目  
錄

四

目  
次

七



名媛詩歸卷之七

景陵鍾惺伯敬點次

梁二

王氏

衛敬瑜妻、灞陵王整之妹也、年十六歸敬瑜、敬瑜溺水而歿、王氏守制、養舅姑、常有雙燕巢梁間、一日雄燕爲鷺鳥所傷、其雌孤飛悲鳴徘徊、至秋翔集王氏之臂、如告別然、王氏以紅縷繫足、曰新春復來、爲吾侶也、明年果至、因贈以詩、自爾秋歸春來、凡六七年、其年王氏病卒、明年燕來、周章哀鳴、家人語曰、王氏死矣、墳在南郭、燕遂至、墳所亦死、每風清月明、人見王氏與燕同游灞水之上、雍州刺史晉昌侯藻嘉其美節、乃題其門曰、精義衛婦之門、或曰敬瑜妻、名姚王京、或又曰王京卽姚氏之乳



名加姚者、從母姓也、

○連理詩

墓前一枝柏，連根復並枝。妾心能感木。

感木字。合來亦古妙。

在用妾字鄭重顏城何足奇。

未免有揚詡之意。然貞烈人有此鍊石心腸。亦不能不傲然自矜也。凡此皆是一點正性。不當以學問語參看。

○孤燕詩

簪時無偶去，今春猶獨歸。故人恩義重。

恩義二字。從禽鳥看。

出。便深。不忍更雙飛。



由中之言。使作永物。詩。便不能有此斬截聲口。

劉氏

瑯琊人。劉氏繪之女。孝綽長妹。世稱劉大孀。王叔英妻也。與妹令嫺齊名。文集並行。

于世。

昭君怨

一生竟何定

語氣矜達。反似昭君請嫁單于語。

萬事良難保。丹青

失舊儀。玉匣成秋草。

悲京感慨。忽然生此音響。若非曠觀昭君一生行徑。則呢

呢作怨。詞矣。

想妾辭關淚。

想妾二字。悽苦之甚。

至今猶未燥。漢使

汝南還。殷勤爲人道。

能從題外作想。不沾沾永本事。而激揚唱歎。若其中實有不平處。覺他人似題詩。皆



甚膚

淺。

○暮寒

梅花自爛熳，百舌早迎春。逾寒衣逾薄，未肯惜腰

身。

未肯惜三字。說得痴幻。

○贈外

妝鉛點黛拂，輕紅鳴環動。佩出房櫳看，梅復看柳。

兩看字，有相憐相惜意。○獨愁中舉動如此，淒苦難言。

淚滿春山中。

春山中說淚，不

倫得妙。

長短句，無填詞氣。妙在幽媚，非纖媚耳。此當以身分音調中辭之。



包明月

○○前溪歌

當○曙○與○未○曙○

譚友夏云兼當曙與未曙妙甚若只言曙有何生趣

百鳥啼前

窗○獨○眠○抱○被○嘆○

三字難堪

憶我懷中儂

懷中儂痴甚

單情何

時○雙○

單情字妙甚

此歌情款本妙而前窗諸本多作窻前苦其不叶今據楊用修所訂改之

木蘭

梁時人也代父戍邊十二年人不知其為女歸賦戍邊詩一篇君子曰若木蘭者亦壯而廉矣使載之列女傳緹縈曹娥將遜之蔡琰當低頭愧汗不敢比肩范曄載之本傳蘇氏以為後人擬作古文苑為此詩直述無含蓄意又在悲憤一詩之下信為



木蘭所作無疑也。杜牧題木蘭唐詩云。彎弓征戰作男兒。夢裏曾經學書眉。幾度思量還把酒。拂雲堆上祝明妃。

○○木蘭詩

唧唧復唧唧。木蘭當戶織。不聞机杼聲。唯聞女歎

息。問女何所思。問女何所憶。女亦無所思。女亦無

所憶。反覆四語妙妙昨夜見軍帖。可汗大點兵。軍書十二

卷。卷卷有爺名。質得妙。似焦仲卿妻詩法。譚友夏云。此等敘法。不詳不妙。阿

爺無大兒。木蘭無長兄。一意語。沓出愈妙。願為市鞍馬。從

此替爺征。東市買駿馬。西市買鞍韉。南市買轡頭。



北市買長鞭。

瑣瑣處分。是女郎暴出門行徑。

朝辭爺孃去。暮宿黃

河邊。

只此句一轉便苦。

不聞爺孃喚女聲。但聞黃河流水

鳴。濺濺。

旦辭。

黃河去。

辭黃河與辭爺孃句法變得妙。

莫至黑水頭。

不聞爺孃喚女聲。但聞燕山胡騎聲啾。

譚友夏云瑣瑣路程。

中語。寫離家顧戀如許。尤妙在語帶香奩。無男子征戍氣。

萬里赴戎機。關山度

若飛。朔氣傳金柝。寒光照鐵衣。將軍百戰死。壯士

十年歸。

似初唐人紫騮馬。關山月。諸律語。

歸來見天子。天子坐明

堂。

此處作莊重語。更妙。

策勲十二轉。賞賜百千疆。可汗問所

欲。木蘭不用尚書郎。願借明駝千里足。送兒還故



鄉爺孃聞女來出郭相扶將。阿姊聞妹來。

譚友夏云補阿

姊小弟關日始妙。

當戶理紅粧。小弟聞姊來磨刀霍霍向

猶羊。

七句如見。杜兵東行用爺孃喚女聲等語而復自注之草堂舊犬喜我歸四段亦用此

語法想亦極喜此詩耳。

開我東閣門坐我西間床脫我戰時

袍著我舊時裳當窗理雲鬢對鏡貼花黃出門看

火伴火伴始驚惶。

譚友夏云又補得妙

同行十二年不知木

蘭是女郎。

寫英雄處衆中光景如見

雄兔脚撲朔雌兔眼迷離。

兩兔傍地走安能辨我是雄雌。

譚友夏云四語倒在後詠歎一番木

蘭机警英烈之氣在紙上矣未可以閒閒比喻讀之。



英雄本色却字字不離女兒情事便有聖賢作用不是一味英雄人所爲木蘭何人

作木蘭詩

者何人也

譚友夏云從來說生男不如生女只是作后妃富貴想耳卽健婦持門戶亦未及忠

孝大節當以緹縈木

蘭曹娥諸女郎實之

### 女子莫愁

唐書樂志云莫愁樂者出於石城樂石城有女子名莫愁善歌謠石城樂

和中復有忘愁聲因有此歌古今樂錄曰

莫愁樂亦亡蠻樂舊舞十六人梁八人樂

府解題曰古歌亦有莫

愁洛陽女與此不同

### ○莫愁樂

莫愁在何處莫愁石城西艇子打兩槳催送莫愁



來。

質而變似  
古逸諸謔

○其二

聞歡下揚州、相送楚山頭、探手抱腰看江水、斷不  
流。

妙在意不甚相  
屬語不甚可解

陳

沈婺華

婺華陳後主之皇后、望蔡儂君理之女也、  
以張貴妃權寵、經年不得一御、後王暫  
至、后處、即還、因戲贈后詩曰、留儂不留儂、  
不留儂也去、此處不留儂、自有留儂處、后



因以  
答之

○答後主

誰道不相憶。見罷倒成羞。

幽閒貞靜人。有此真情。境然已稍稍近媚矣。

知不肯住。

情知二字。說得後主口呆。冷盡爭歡。教希寵念頭。可令張貴妃等慚愧欲死。

妾若爲留。

柔順周詳。體度自異。故雖意致溫婉。無狎昵流宕之態。迺知性情正靜。必非淫風褻

語。可以回惑。

李氏

陳新塗妻也。

○冬至

名媛詩歸

卷七

六



靈象尋數迴、四氣平運散、

莊語不板實。

陰律鼓微陽、大

明啓修口、

修旦兩字鍊。

感與時來興、心隨逝化歎、

此歎字。虛

押得妙。

式宴集中堂、賓客迎朝館、

出語森至、不浮不質、思之有理。徑是古詩當家。

陳少女

寄外詩

自君上河梁、蓬首臥蘭房、安得一樽酒、慰妾九迴

腸、

取其語意疎冷、不人怨情、是寄外詩



樂昌公主

陳後主之妹也封樂昌公主色艷麗歸太子舍人徐德言會陳政方亂德

言知不相保謂妻曰以君之才容國亡必入權豪之家斯永絕矣儻情緣未斷猶期相見宜有以信之乃破一鏡各執其半約曰他日必以正月望日賣于都市我卽以訪之及陳亡其妻果歸越公楊素之家德言至京如期訪於都市有蒼頭賣半鏡者大高其價人皆笑之德言引至旅邸遂言其故出半鏡以合之仍題詩曰鏡與人俱去鏡歸人未歸無復嫦娥影空留明月輝公主得書悲泣素因訊之公主迺以實對素於是召德言與飲素命公主賦詩口占一絕素迺厚遺之送還江南聞者莫不感歎

○餞別自解



今日何遷次

無限情事在遷次二字。

新官對舊官哭啼俱不

敢方信作人難

老於涉世語幾于女鄉愿矣。然是苦境迫出。不喜其慷慨。正喜其宛曲。不然則不

復合鏡矣。

北魏

王肅妻謝氏

王肅字恭懿瑯琊人爲齊秘書丞聘江南謝氏爲妻大和十八年北

歸後魏魏高祖擢肅爲尚書令以長公主妻之謝氏於是入道爲尼因以詩贈肅肅

甚惆悵遂造正覺寺懃焉

○贈王肅



本爲箔上蠶。今作機上絲。得絡逐勝去。頗憶纏綿。

時。頗憶二字。  
諷喻深厚。

幽情細語。不欲直自陳說。但作引喻提醒。  
辭意。可想棄婦胸中。有一段冷暖。自知。不  
敢向薄倖人  
叨叨絮絮也。

陳留長公主

王肅後妻也。

○代王肅答謝氏

謝氏肅故妻也。贈肅以詩。有棄故之怨。因

代肅以答之。

絨是貫絲物。目中當紅絲。得帛縫新去。何能納故



時

新故二字甚狠。○何能二字。回得直截。令人不堪。

此非答謝氏也。直。

欲牢籠王肅耳。

二詩只似子夜讀曲諸歌中妙語耳。其兩相吞吐處。皆露急疾口角。恩怨中俱有淒

涼之慮。不

得不爾。

胡后

魏宣武靈皇后也。肅宗立。尊為皇太后。臨朝聽政。嘗幸華林園。宴羣臣於都亭曲水。自王公已下。各賦七言詩。太后詩曰。化光造物含氣貞。帝曰。恭已無為。賴慈英。王公已下。各賜帛。有差。時武都人楊白花者。少。有勇力。容貌雄偉。太后逼通之。白花懼。及禍。乃率其部曲奔梁。易名華。太后追思之。不能已。為作楊白花歌。使宮人晝夜連臂。蹋足歌之。聲甚悽惋。后性聰悟。多才藝。能射中針眼。牙簪。然淫亂肆情。為天下所惜。



○楊白花

陽春二三月。楊柳齊作花。

譚友夏云。若桃李等齊作花。便不如此句之妙。

春風一夜入。閨闈。楊花飄蕩落南家。

妙有含着落。含情出

戶。脚無力。拾得楊花淚。沾臆。

此句妙在拾得兩字。拾得反堪下淚感。其

一向飄泊也。非真情人不知。

秋去春來雙燕子。願銜楊花入窠。

裏。囑託燕子。癡想。

有狐媚氣。有英雄氣。妙在音容聲口。全然不露。只似閒閒說耳。

馮氏

魏文明太后也。善詩賦。登臺見雀啄食。作青臺歌。

○青臺歌



青臺雀青臺雀緣山采花額

緣山字奇。花額字秀。皆不經人道。

古歌中一句成篇者有之。一句中却奧動質練似識似謠似諺似譚。不必有所指。而恍惚成語。想像成歌。至於明明寫出。亦復粲然成文者。蓋未有也。此種著作。又似開闢許多簡鍊奇峻處。

非齊

盧士琛妻崔氏

盧士琛之妻。崔林義之女也。有才學。春日以桃花和雪與兒饋

面。辭以祝之。

○饋面辭

取紅花取白雪與兒洗面作光悅

光悅着面上奇矣。妙在實實倚



着紅花白雪上。痴情嬌想。確然有此。取白雪。取紅花。與兒洗面作妍華。取花紅。取雪白。與兒洗面作光澤。取雪白。取花。

紅與兒洗面作華容。

四段四轉。不覺其複筆妙。

如此韻事。須得如此韻文。妍動婉細。可以想其風調。

一馮小憐

後主馮淑妃。大穆后從婢也。穆后愛衰。以五月五日進之。號曰續命。慧點能彈

琵琶。工歌舞。後主惑之。坐則同席。出則並馬。願得生死一處。命淑妃處隆基堂。淑妃惡曹昭儀所常居也。悉令反換其地。周師之取平陽。帝獵于三堆。晉州丞告急。帝將還。淑妃請更殺一圍。帝從其言。識者以爲後主名緯。殺圍言非吉徵。及帝至晉州。城已欲沒矣。作地道攻之。城陷。十餘步將士乘勢欲入。帝敕且止。召淑妃共觀之。淑妃



杭黠不獲時至，周人以木拒塞城，遂不下。舊相傳晉州城西上有聖人迹，淑妃欲往觀之，帝恐弩矢及橋，故抽攻城木，造遠橋，監作舍人以不造成受罰，帝與淑妃度橋，橋壞，至夜乃還，稱妃有功勲，將立爲左皇后，卽令使馳取襁翟等，皇后服御仍與之，並騎觀戰，東偏少却，淑妃怖曰：「軍敗矣。」帝遂以淑妃奔還，至洪洞戍，淑妃以粉鏡自玩，後聲唱亂賊至，於是復走，內參自晉陽以皇后衣衾，帝爲按轡，命淑妃着之，然後去。帝奔鄴，太后後至，帝不出迎，淑妃將至，鑿城北門出，十里迎之，復以淑妃奔青州。後主至長安，請周武帝乞淑妃，帝曰：「朕視天下如脫屣，一老嫗豈與公惜也。」仍以賜之。及帝遇害，以淑妃賜代王達，達甚嬖之。達妃爲淑妃所譖，幾致于死，隋文帝將賜配春，詢昇通令自殺。



○感琵琶絃斷贈代王達

雖蒙今日寵。猶憶昔時憐。

寵字不如憐字之深。寵字泛。憐字真。女人死心

男子亦只是

欲知心斷絕。應看膝上絃。

四句全在虛字討出

憐。不是寵。

曲折

處。

幽怨綿邈。寫出亡國之恨。獨不能一死以報後主。卒至名隳身辱。不得與綠珠貴兒等並傳。惜哉。

隋

侯夫人

煬帝建迷樓。選良家女數千。以居其中。由是後宮多不得進御。宮女侯夫人有

美色。一日白經於棟下。臂繫錦囊。中有文。左右取以進。帝見其詩。反覆傷感。徃視其



尸曰、此已死、顏色猶美如桃花、乃急召中使許廷輔曰、朕面遣汝擇後宮女入迷樓、汝何故獨棄此人、也、乃令廷輔就獄、賜自盡、厚禮葬侯夫人、帝日誦詩、酷好其文、乃令樂府歌之、

○自傷

初入承明日深深報未央

只此一句寫盡初入時

想

長門七八載、無復見君王、寒春入骨清

寒春字便與春

寒不同、更妙在入骨清三字、嬌身慧性、轉動自性、覺統綺稠疊、似有落落不相屬、處此真薄命、有有情女子、經歷、獨臥愁空房、躑躅步庭下、幽愁中有

盡方想出

此光景

幽懷空感傷、平日所愛惜、自待却非常

此等語皆有志節女



子立身處。不然一味爭妍。色美反成棄。命薄何可。

競寵。抹殺不得。鄙賤二字。實字。見妾意徒傍徨。要之。女人不

量君恩實疎遠。得透徹夫人決計一死。亦只此三字。難過。侯家豈無骨肉。偏親

寵。亦只畏徒傍徨三字。難過。侯老北堂。此身無羽翼。何計出高牆。性命誠所重。此

句。可想其怨毒入骨。棄割誠可傷。懸帛朱棟上。肝腸如沸湯。

引頸又自惜。有若絲牽腸。毅然就死地。從此歸冥

鄉。

觀其處置一身。亦用許多躊躇顧惜。但寄託不苟人。胸中眼中。有不可看處。不可耐處。揔難排遣。止為一身牽纏到底。生出許多挾恩恃寵念頭。又生出許多憂移自固。



念頭。迺至怨望悲思。亦是無聊中遷延自  
解。了無實際。何等可愧。侯夫人決計一死。  
却使恩寵隆重。真覺他人畏死。本無英雄  
手段。于此尋思一過。知忠臣節婦。亦非難  
事。

○粧成

粧成多自惜。夢好却成悲。

可憐。妝成夢好四字。不  
在自惜成悲上見。明知

恩寵已絕。却復成妝。夢好何關人事。却更引出悲  
來。一是自失語。一是自嘲語。立言中亦有愕然驚  
顧。不復自主意。在  
此正深於恩處。不及楊花意。意字用得虛妙。春來到處

飛。

意態之妙。全在虛境上。想着實境去。情思  
索莫時觸物生感。注注關情。偶然似喜。偶



然似怨。自  
覺難明。

○自遣

祕洞扃仙卉、雕房瑣玉人、

直寫出來可淚可涕。

毛君誠可戮、

不肯寫昭君、

偏是此等人寫此等事。激直難聽。

○自感

庭絕玉輦迹、芳艸漸成窠、

有此句。不必有下二句矣。

隱隱聞簫

鼓、君恩何處多、

此首似平常作宮怨詩。以其氣故平淺也。



○其二

欲泣不成淚、悲來翻強歌、庭花方爛熳、

苦在方爛熳三字上。

無計奈春何、

哀聲苦調。別無歡氣。憂情中有所謂萬疊千重者。只吟此等語。已曲曲欲捲。那得更有開展處。

○其三

春陰正無際、獨步意如何、

問得可感

不及閑花草、翻成

雨露多、

成字說得恩重。

侯夫人自矜自重。亦頗覺有自恃顏色。不肯屈志希幸在。本自王昭君一輩人。故其



驕心猛氣。亦微露於意言之外。如此詩。已直寫出自家行徑矣。要之處。此地位。尋思寵遇。除却班婕妤好清事長秋。別無用處。

### ○看梅

砌雪無消日。捲簾時。自顰。

語意雖平。却含怨意。○此句生態。在一時字上。

庭梅對我有憐意。

妙在有對我二字。然後有憐意三字。生出情來。先露枝

頭一點春。

此處覺不能忘情。有妬羨兩意在。

### ○其二

香清、寒、艷、好、誰、惜、似、天、真、玉、梅、謝、後、陽、和、動。

此句竟是



識語

散與群芳自在春。

何等曠達。

怨情深處。反在能平。平則漸漸說向理與命上去。蓋其鍛鍊自家情性。其苦自知。不唯不願人憐人。亦不欲憐之。此從學問工夫。探討實歷。便見得他人榮寵。有穢濁氣。自家冷淡。有矜貴氣也。

吳絳仙

絳仙。隋殿脚女也。煬帝幸汴。御龍舟。每舟擇妍麗長白女子十人。執雕板縷金

櫂。號為殿脚女。一日帝將登鳳舸。凭絳仙肩。帝喜其柔麗。不與羣輩齒。愛之甚。久不移步。絳仙善畫長蛾眉。帝色不自禁。回輦召絳仙。將拜嬖好。適值絳仙下嫁。為玉工萬群妻。故不克諧。帝寢興罷。擢為龍舟首。櫂號曰崆峒夫人。由是殿脚女爭効為長蛾眉。司宮吏封給螺子黛五斛。號為蛾綠螺子黛。出波斯國。每顆直十金。後徵賦不



足雜以銅黛給之。獨絳仙得賜螺黛不絕。帝每倚簾視絳仙。移時不去。顧內謁者云：古人言秀色若可食。如絳仙真可療飢矣。因吟持檝篇賜之曰：舊曲歌桃葉，新粧艷落梅。將身傍輕檝，知是渡江來。詔殿脚女千輩唱之。時越溪進耀光綾綾文突起，有光彩。越人乘樵風舟泛於石帆山下牧野。繭繰之，繰綠女夜夢神人告之，禹穴三千年一開。汝所得野繭，卽江淹文集巾縠魚所化也。綠織爲裳，必有奇文。織成果符所夢。故進之。帝獨賜司花女袁寶兒。泊絳仙也。他姬莫預。蕭妃恚妬不懌，由是稍稍不得親幸。帝自至廣陵，悉命備月觀行宮。絳仙等亦不得親侍寢殿。有郎將自瓜州宣事迴，進合歡水果一器。帝命小黃門以一雙馳騎賜絳仙。遇馬急搖解，絳仙拜賜不然而因附紅箋小簡上進詩。帝省章不悅。顧黃門曰：絳仙如何，何來辭怨之深也。黃門



名如言  
卷一  
懼拜而言曰、適走馬搖動、及月觀果已離  
解不復連理、帝意不解、因言曰、絳仙不獨  
貌可觀、詩意深切、乃女相  
如也、亦何謝左貴嬪乎、

○謝賜合歡水果

心、驛使傳來果、君王寵念深、寧知辭帝里、無復合歡

不必綴事鍊句、艸艸寫來、自是委婉、由其  
口角流媚、能成音節故耳、始知情艷人、出  
口下筆、定然不同。○只似一首宮怨詩、輕  
揚宛轉、聲韻自有嬌痴氣、然總在一怨字  
中發  
出。

杭靜

隋煬帝宮人也、是時唐勢已盛、而帝猶淫  
樂不知為天下計、故作江都迷樓夜半歌



以諷之

○迷樓夜半歌

河南楊柳樹。江南李花營。楊柳飛絲何處去。李花

結果自然成。

歌謠語。悲而直。想其情憤氣激。仍有長歌足以當泣之意。

大義公主

大義公主者。趙王昭女千金公主也。周主贊以之妻突厥。和親後。趙王昭

惡楊堅專政。邀堅酣飲。將刺殺之。不克反。爲堅所誣殺。及楊堅篡周。公主傷宗祀覆滅。言于西面突厥沙鉢略。統兵代隋。後因突厥勢弱。講和。公主乃請改姓楊氏。隋遂封之爲大義公主。及滅陳後。以陳叔寶屏風賜公主。公主傷感。題詩屏上。隋主聞而



惡之禮賜益薄。公主復連結西面突厥。隋主慮其為患。遣長孫晟發公主私事廢之。恐突厥不從。遣牛弘將美妓四人啖之。適沙鉢略之姪染干號突利可汗求婚。隋主使裴炬謂之曰。當殺大義公主。方許突利乃諧而殺之。

○書屏風詩

盛衰等朝暮。世道若浮萍。

起得悲感寬大

榮華實難守。池

臺終自平。富貴今何在。空事寫丹青。盃酒恒無樂。

弦歌詎有聲。

深篤似漢魏人語

余本皇家子。飄流入虜庭。

一朝覩成敗。

懷抱忽縱橫

譚友夏云。千古事二姓人同愧此語

古來

共如此。非我獨申名。

氣質古直

唯有明君曲。偏傷遠嫁



公主以一女子嫁虜家國破亡。志篤君親。克復不遂。情見乎詩。與唐竇后何異。竇事戍而主竟爲隋所忌。構死。然千古女英雄。豈可以成敗論也。其詩壯朴。亦豈陳隋人及所及。

蘇蟬翼

○因故人歸有感

郎去何太速。郎來何太遲。欲借一樽酒。欲借兩字。有如不及意。共敘十年悲。

張碧蘭



○寄阮郎

郎如洛陽花。妾似武昌柳。兩地惜春風。

春風用惜字。勝於惜。

春光等語。何時一攜手。

前詩直而慘。此詩婉而悲。皆從音調激揚頓挫出。以此知六朝人平平語。亦覺宛宛動人。

羅愛愛

○閨思

幾當孤月夜。

幾當字。情緒幽快。

遙望七香車。羅帶因腰綬。

金釵逐鬢斜。



○贈情人

感郎千金意。含嬌抱郎宿。試作帷中音。羞開燈前目。

淫情艷曲。妙在緊細。讀之令人生感者。亦是一種至文。

丁六孃

○十索曲

裙裁孔雀羅。紅綠相參對。

古人作詩。專于濃處作踈宕語。今人便不復爲

此矣。卽有意爲之。亦不復如此靈動。

映以蛟龍錦。分明奇可愛。麤細

君自知。從郎索衣帶。



○其二

爲性愛風光。生憎良夜促。曼眼腕中嬌。相看無厭。

足。

此處下無厭足三字。說來可笑。

歡情不奈眠。

不奈眠有一情字。便生動。

從郎

索花燭

○其三

君言花勝人。人今去花近。

今字。痴得妙。

寄語落花風。莫

吹花落盡。欲作勝花嬌。

欲勝花。翻畏花落盡。并說他懷妬不得。

從郎

索紅粉。

○其四



二八好容顏。非意得相關。

情深語。不必有意。乃始相關。正是二八少年。

情性逢桑欲採折。尋枝倒嬾攀。欲呈纖纖手。從郎索

指環。

其五

含羞不自持。送眼勞相望。

好在無那關情絆。共入

同心帳。欲防人眼多。從郎索錦帳。

其六

蘭房下翠帷。蓮帳舒鴛錦。歡情宜早暢。密意須同。寢欲共作纏綿。從郎索花枕。



此二首無媚意。無曲致。便遠不如前四作。

秦玉鸞

○憶情人

蘭幕蟲聲切。椒庭月影斜。可憐秦館女。不及洛陽

花。

揔在可憐不及上。生出情思。

流麗中亦有警切處。漸近唐人絕句矣。

名媛詩歸卷之十



名媛詩歸卷之八目錄

回文詩

秦

蘇蕙

回文記一篇

回文詩一篇

璇璣圖七圖

讀法一十一段



卷一 十一

卷二 十四

卷三 十六

卷四 十八

卷五

卷六

卷七

卷八 十八



名媛詩歸卷之八

景陵鍾 惺伯敬點次

秦

蘇蕙

武則天織錦回文記○前秦苻堅時秦州刺史扶風竇滔妻蘇氏陳留令武功

道質第三女也名蕙字若蘭智識精明儀容秀麗謙默自守不求顯揚年十六歸于竇氏滔甚敬之然蘇性近於急頗傷妬嫉滔字連波右將軍真之孫朗之第二子也丰神秀偉該通經史允文允武時論高之苻堅委以心膺之任備歷顯職皆有政聞遷秦州刺史以廷士謫戍燉煌會堅寇晉襄陵慮有危逼藉滔才略乃拜安南將軍留鎮襄陽焉初滔有寵姬趙陽臺歌舞之妙無出其右滔置之別所蘇氏知之求而



獲之。苦加捶辱。洎深以爲憾。陽臺又伺蘇氏之短。誚毀交至。洎益忿焉。蘇氏時年二十一。及洎將鎮襄陽。邀其同往。蘇氏忿之不與偕行。洎遂携陽臺之任。斷其音問。蘇氏悔恨自傷。因織綿迴文。五綵相宣。瑩心耀目。其錦縱廣八寸。題詩二百餘首。計入百餘言。縱橫反復。皆成章句。其文點畫無缺。才情之妙。超今邁古。名曰璇璣圖。然讀者不能盡通。蘇氏笑而謂人曰。徘徊宛轉。自成文意。非我佳人莫之能解。遂發蒼頭齎致襄陽焉。洎省覽錦字。感其妙絕。因送陽臺之關中。而具車徒盛禮。邀迎蘇氏。歸於漢南。恩好愈重。蘇氏著文詞五十餘言。屬隋季喪亂。文字散落。追求不獲。而錦字迴文。盛見傳寫。是近代閨怨之宗旨。屬文之士。咸龜鏡焉。朕聽政之暇。留心墳典。散帙之次。偶見斯圖。因述若蘭之木。復美連皮之悔。過遂製此記。聊以示將來也。如意



元年五月一日大周  
天冊金輪皇帝御製

回文詩

仁智懷德聖虞唐真妙顯華重榮章臣賢惟聖配  
英皇倫匹離飄浮江湘津傷嗟情家明葩榮志庭  
闡亂作人讒佞奸凶害我忠貞棄凶慈雍思恭基  
河慘歎中無鏡紛爲篤明難受消源禍因所恃恣  
極驕盈榆頑孝和淑自爲隔懷懷傷君朗光誰終  
榮苟不義姬班女媭奸辭輦漢成薄浸休家貞記  
孝塞墓所路房容殊感擔城傾在戒后孽嬖趙氏



飛燕實生景讒退遠敦貞敬殊增離曠幃節曜思  
穹熒猶炎盛典漸至大伐用昭青青昭愚謙危節  
所是山憂經遐清華英多蒼形未  
在慎深慮微察  
遠禍在防萌西滋蒙疑容持從梁心荒淫忘想感  
所欽岑幽巖峻嵯峨深淵重涯經網羅林光流電  
逝推生民堂妃闈飛衣誰追何思情時形寒歲識  
凋松憇居歎如陽移陂施爲祗差士空后中奮袞  
爲相如感傷在勞貞物知終始舊獨懷何潛西不  
何誰神無感惟自節能我容聲將自孜君想顏喪



改華容是爲女賤曜日日激與通者曠思興厲不  
歌冶同情寧孜側夢仁賢別行士念誰賤鄙翳白  
無憤將上採悲詠風樊歎發觀羽纏龍祈容衣詩  
情明顯怨哀情時傾英殊衰殊身節非路和周旋  
長雙華宮憂虎彫節繡始璇璣圖義年勞歎奇華  
年有志飭忘封長音南鄭歌商流徵殷繁華觀曜  
終始心詩興感遠殊浮沉時盛意麗哀遺身藏邵  
衛詠齊曜情多文曜壯顏無平蘇氏理徃憂歲異  
浮惟必心華惟下微摧伯女志興榮傷患藻榮麗



充端比作麗辭日思慕世異逝倏違榮感體惻悲  
窈河遐碩翠感生嬰漫丁寃詩風興鹿鳴懷悲哀  
誰遊倏無一俯憂作已聲寃廣路人粲我艱是漫  
是何桑翳感孟宣傷感情者頽然盈體你情者處  
發淑思透其威情惟憂何艱生時盛昭業傾思永  
戚我流若不忠容何成幽曲姿歸迤頤徙悲苦懷  
思苦我章微恨微玄悼歎戚知沙馳虧離儀貲辭  
房秦王懷土眷舊鄉身加兼愁悴少精神遐幽曠  
遠離鳳麟龍昭德懷聖皇人商遊桑鳩揚執傷榮



身我乎集歿愆辜何因備嘗苦辛當神飛文遺分  
歸賤絃西翳雙激好摧君深日潤浸愆思罪積怨  
其根難尋所明輕殊孤垂鴈爲激階陰巢水悲容  
仁均物品育施生天地德責平均勻專通身粲妾  
殊翔女楚步林蕪清思發離濱漢之步飄飄離微  
隔喬木誰陰一感寄節散聲應有流東桃飛泉君  
歎殊心改者惑暱親聞遠離殊我同衾志精浮光  
離哀傷柔清廊休翔流長愁方衾伯在誠故遺舊  
廢故君子惟新貞微雲輝群悲春剛琴芳蘭凋茂



熙陽春牆面殊意感故新霜冰齊潔志清經望誰

思想懷所親

圖

按蘇氏迴文形如璇璣理難盡識起宗  
道人分圖折類獨得其旨附錄左方  
共七

圖一

仁智懷德聖虞唐真妙顯華重榮章臣賢惟聖配英皇倫匹離飄浮江湘津

傷

志

慘

篤

懷

終

慕

誓

增

穹

憂

蒼

心荒淫忘想感所欽

堂

空

惟

桑榆

薄

景

昭

西

林光流電逝推生

民

生

曠感



詠和意藏推悲聲發曲秦商弦激楚流清

琴房蘭凋茂熙陽春牆面殊意感故新霜冰齊潔志清純望誰思想懷所親

榮身卿身身榮君仁離殊方

當所專一志貞

悲路長身微憫已處幽房入賤為女有柔剛



讀法

自仁字起順讀每首四句句七言

仁智懷德聖虞唐真妙顯華重榮章臣賢惟聖配英皇倫匹離飄浮江湘

真志篤終誓穹蒼欽所感想忘淫荒心憂增慕懷慘傷

真志篤終誓穹蒼欽所感想忘淫荒心憂增慕懷慘傷仁智懷德聖虞唐真妙顯華重榮章臣賢惟聖配英皇倫匹離飄浮江湘

真妙顯華重榮章

臣賢惟聖配英皇倫匹離飄浮江湘津河隔塞殊山梁民士感曠悲路長

民士推逝電流光

倫匹離飄浮江湘津河隔塞殊山梁民士感曠悲路長身微憫已處幽房

民士推逝電流光林西昭景薄榆桑

已上共詩十首

津河至剛柔十首

親所至蘭房十首

琴清至慘傷十首

右第一圖共詩四十首

回文括入後讀中法



圖二

欽岑幽巖峻嵯峨深淵重涯經綱羅林  
何將情纏憂殷多患主艱惟苦  
身加兼愁粹少精神遐憂曠遠離鳳麟  
沙流頽遊異浮沉華英翳曜潛陽

讀法

自欽字起順讀至沙字止  
爲一首又從深字起至遐  
字止爲一首每首俱退一  
句直退至殷字止一週

共詩八首



圖三

仁智懷德聖虞唐真妙顯華重榮章臣賢惟聖配英皇倫四離飄浮江湘津

傷嗟

志

倭

桑

基河

慘中

篤

因

榆

自

隔

懷

君

終

女

薄

貞

塞

慕

容

誓

嬖

景

遠

殊

增

曜

穹

至

昭

謙

山

憂

多蒼

微

西滋

梁

心荒淫忘相感所欽岑幽巖嗟峨深淵重涯經網羅林光流電逝逝推生民

堂

何思

識

如陽

士

空

如傷

知

懷

潛

咸

惟

君

改

爲

曜

曠

思

夢

別

念

翳

悲

詠

詩

明

怨

英

路

和

憂

璇璣圖

華

長



音南鄭歌商流徵殷繁華觀曜終始心詩興感遠殊字沉時盛意麗哀遺身

藏多平蘇氏浮微

推志端作辭異闕

悲生冤與懷遊已

聲艱是感感類處

發惟何昭戚流幽

曲苦懷恨知沙房

秦王懷土眷舊鄉身加兼愁悴少精神遐幽曠遠離鳳麟龍昭德懷聖皇人

商傷榮辜當神賤

絃好君罪輕為

激水仁天專粲女

楚燕離離一散有

流桃殊聞志哀柔

清廊方舊貞春剛

琴芳蘭周茂熙陽春牆面殊意感故新霜冰齊潔志清純望誰思想懷所親



讀法三之

自初行退一字成句句七言每首四句以下通退一句成章

智懷德聖虞唐真妙顯華重榮章臣賢惟聖配英皇倫匹離飄浮江湘津

桑榆薄景昭西林

佞因女嬃至微深淵重涯經網羅林

識知改別明璣心

峩嵯峻巖幽岑欽

忘篤終擔穹蒼欽岑幽巖峻嵯峨深微至嬖女因佞臣

淵重涯經網羅林

識知改別明璣心

思傷君夢詩璣心璣明別改知識深

圖怨念為懷如林

詩興感遠殊浮沉

氏辭懷感戚知麟

蘇作興感昭恨神

平端究是何懷身



始終曜觀華繁殷

何如將情纏憂殷繁華觀曜終始心

多患生艱惟若身

徵流商歌鄭南音

所感想忘淫荒心堂空惟思詠和音

憂增慕懷慘傷仁

多曜容君中嗟仁傷慘懷慕增憂心

智懷德聖虞唐真

智懷至湘津

讀法具前

呵隔至剛親

所懷至芳琴

清流至傷仁

已上四段每段各得詩二十二首共八十八首

妙顯至梁民

士感至望純

清志至商秦

曲發至唐真

已上四段每段各得詩二十五首共一百首

微憫至霜新

故感至藏音

和詠至章臣

已上四段每段各得詩二十四首共九十六首

匹離至房人

賤爲至墻春

陽熙至堂心

憂增至皇倫



已上四段每段各得詩二十四首共九十六首

讀法三之二

自上橫行退一字成句以後遍退一句成章

讀法具于前段

讀法三之三

自兩間行退一字成句以下遍退一句成章以下具縱橫反覆讀

荒淫至生民

讀法如智懷至湘津

王懷至皇人

志篤至方春

桑榆至貞純

生推至荒心

皇聖至王秦

方殊至志貞

志貞至桑榆

岑幽至長身

加兼至剛親

何如至故新

陽潛至所親

羅網至相音

鳳離至清琴

苦惟至章臣

沙流至湘津

淵重至房人

遐幽至望純

多惠至清純

浮異至墻春

峨嵋至曲秦

精少至陽春

憂纏至皇倫

華英至梁民

已上八段每段各得詩五十二首共四百一十六首



元流至剛親  
鄉舊至故新

龍昭至墻春  
所感至清琴

當所至芳琴  
蒼穹至湘津

榮君至所親  
西昭至長身

已上八段每段各得詩一十二首共九十六首

讀法三之四

自中行退一字成句以下遞退一句成章

南鄭至遺身

讀法同前

佞因至舊新

遺哀至南音

舊聞至佞臣

已上四段每段各得詩五十九首共二百三十六首

繁華至房人

識知至精純

浮殊至曲秦

恨昭至皇倫

已上四段每段各得詩七十四首共二百九十六首

詩興至剛親

蘇作至所親

始終至親琴

璣明至湘津

已上四段每段各得詩三十四首共一百三十六首

詩盛至望純

辜罪至賤人

微流至陽春

微至至梁民

已上四段每段各得詩二十四首共五十六首

讀法三之五

自角料退一字成句以後遞退一句成章



嗟中君容曜多欽思傷君夢詩旋心氏辭懷感戚知麟神輕粲散哀春親

龍昭德懷聖皇人

當所專一志貞純

沙流頽遊異浮沉

鳳離遠曠幽遐神

詩興感遠如浮沉時盛意麗哀遺身

華英翳曜潛陽林

浮異遊頽流沙麟

蘇作興感昭恨神辜罪天離聞舊新

遐幽曠遠離鳳麟

精少愁悴兼加身

圖怨念爲懷如林滋謙遠貞自基津

西昭景薄榆桑倫

光流雷逝推生民

羅網經涯重淵深

陽潛曜翳英華沉



平端寃是何懷身傷好水燕姚郎琴

榮君仁離殊方春

鄉舊春土懷王奈

如兼愁悴少精神

苦惟艱生患多殷

璣明別改知識深微至嬖女因佞臣

淵重涯經網羅林

始終曜觀華繁殷多患生難惟苦身

徵流商歌鄭南音

岑幽巖峻嵯峨深淵重涯經網羅林光流電逝推生民

滋謙遠貞自基津

陽潛曜翳英華沉

西昭景薄榆桑倫

如懷為念怨圖心

微至嬖女因佞臣章榮重華顯妙真

賢惟聖配英皇倫



識知改別明璣心蘇作興感昭恨神

氏辭懷感戚知麟

平端寃是何懷身

詩興感遠殊浮沉

始終曜觀繁華殷

圖怨念爲懷如林

璇詩夢君傷思欽

何如將情纏憂殷多患生艱惟苦身榮君仁離殊方春

那兼愁悴少精神

傷好水燕桃廊琴

懷何是寃端平心

鄉舊眷土懷王秦

敏平觀曜終始心詩興感遠殊浮沉

圖怨念爲懷如林

氏辭懷感戚知麟

璣明別改知識心



蘇作興感招張神  
平端寬是何懷身

徵流商歌鄭南音藏摧悲聲發曲秦

和詠思惟空堂心

蒼穹誓終篤志真唐虞聖德懷智仁傷慘懷慕增憂心

妙顯華重榮章臣賢惟聖配英皇倫

佞因女嬃至微深

所感想忘浮荒心堂空惟思詠和音藏摧悲聲發曲秦

南鄭歌商流徵殷

憂增慕懷慘傷仁智懷德聖虞唐真

嗟中君容懼多欽

嗟中至春親桃廊至基津春哀至嗟仁基自至廊琴

四段每段五十九首

思傷至望純懷何至梁民知戚至憂心如懷至陽春

四段每段六十六首

氏辭至霜新圖怨至長身旋詩至和音平端至故新

四段每段二十六首

神輕至牆春滋兼至房人多曜至曲奉傷好至清純

四段每段一十二首

右第三圖共詩三千五百一十八首



圖四

嗟情家明葩榮  
歎中無鏡紛爲  
懷傷君朗光誰  
所路房容殊感  
離曠幃飭曜思  
經遐清華英多

凶慈壅思恭基  
頑孝和淑自爲  
浸休家貞記孝  
讒退遠敦貞敬  
愚謙危節所是  
滋蒙疑容持從

遊桑鳩揚仇傷  
西翳雙激好摧  
階陰巢水悲容  
步林燕清思發  
東桃飛泉君歎  
廊休翔流長愁

神飛文遺分歸  
明輕殊孤乖鴈  
通神粲旁殊翔  
感激飭散聲應  
精浮光離哀傷  
微雲輝群悲春



讀法

自嗟字起至榮字三字成句可反覆讀亦可分讀

嗟嘆懷所離經遐曠路傷中情家無君房幃清華飭容朗鏡明葩紛光珠曜英多思感誰為榮

榮為至歎嗟

經離至思多

多思至離經

三言十二句四首

懷歎嗟所離經路曠遐傷中情君無家房幃清容飭華朗鏡明光紛葩珠曜英感恩多誰為榮

誰為至嘆嗟

所離至思多

感恩至離經

三言十二句四首

嗟嘆懷傷中情家無君朗鏡明葩紛光誰為榮

榮為至嘆嗟

經離至思多

多思至離經

三言六句四首

懷歎嗟傷中情君無家朗鏡明光紛葩誰為榮

誰為至歎嗟

所離至思多

感恩至離經

三言六句四首共十六首

遊西至摧傷讀法同前

凶頑至為基同

神明至鴈歸同

已上四段每段得詩二十六首

右第四圖共詩六十四首



圖五

庭闈亂作人讒佞奸凶害我忠貞

妃闈飛衣誰迫

明難受消源禍因所恃恣極驕盈

移陂施爲祗差

后中奮袞爲相

榮苟不義姬班女婕妤辭輦漢成

西不何誰神無

自節能我容聲

城傾在戒后孽嬖趙氏飛燕寔生

日日激與通者

興厲不歌冶同

熒猶炎盛興漸至大伐用昭青青

白無憤將上採

風樊歎發觀羽

形未在慎深慮微察遠禍在防萌

殊衰殊身節菲

周楚長雙華宮

年有志飭忘葑

時盛意麗哀遺

南鄭歌商流徽

惟必心華惟下

逝倏違榮感體

邵衛詠齊曜情

身我乎集殃愆辜何因備嘗苦辛

倏無一俯憂作

伯女志興榮傷

深日潤浸愆思罪積怨其恨難尋

然盈體仰情者

窈河遐碩翠感

均物品育施生天地德貴平均勻

苦不忠容何成

窈廣路人粲我

濱漢之步飄飄離微隔喬木誰陰

馳虧離儀貲辭

淑思透其威情

心改者惑能親間遠離誰我同衾

姿歸迤頤凝悲

衾伯在誠故遺舊廢故君子惟新



讀法

自中行各借三字互用分讀四言成句亦可六言左右分讀

邵南周風興自后妃衛鄭楚樊厲節中闢詠歌長歎不能奮飛齊商雙發

歌我衮衣曜流華觀

治容爲誰情徵

宮羽同聲相追

四言十二句四首

情徵至后妃 周南至情悲 宮徵至淑姿

周南興自后妃楚樊厲節中闢長歎不能奮飛雙發歌我衮衣華觀治容爲誰宮羽同聲相追

宮羽至情悲

情傷至淑姿

六言六句四首

周風興自后妃邵伯窈窕淑姿楚樊厲節中闢衛女河廣思歸長歎不能奮飛詠志遐路逶迤雙發歌我衮衣齊興碩人其頤華觀治容爲誰麗藥

翠粲威蕤宮羽同聲相追情傷感我情悲

情傷至后妃

邵伯至相追

宮羽至淑姿

六言十二句四首

邵伯窈窕淑姿周南興自后妃楚樊厲節中闢衛女河廣思歸詠至遐路逶迤長歎不能奮飛雙發歌我衮衣齊興碩人其頤曜容翠粲威蕤華觀

治爲誰宮羽同聲相追情傷感我情悲

情傷至淑姿

周風至相追

宮羽至后妃

六言十二句四首

惟時至成辭讀法同前

奸佞至防萌同

何辜至惟新同

已上四段各得詩十六首

右第五圖共詩六十四首



圖六

讀法

寒歲識彫松

自寒歲讀起五言四句反覆成章

貞物知始終

寒歲識彫松貞物知始終顏喪改華容

顏喪改華容

仁賢別行士士行至歲寒松凋至

仁賢別行士

賢仁仁賢至凋松共四首

龍旂容衣

衰情時傾

寒歲識凋松始終知物貞顏喪改華容

虎彫飾繡

年勞歎奇

士賢別仁賢仁賢至歲寒松凋至

繁華觀曜

感遠殊浮

行士士行至凋松共四首

文曜壯顏

往憂歲異

龍虎繁文藻榮曜華彫旂容飾壯觀麗

藻榮麗充

日思暮世

充顏曜繡衣衣繡至虎龍共二首

詩風興鹿鳴

藻文繁虎龍榮曜華彫旂麗壯觀飾容

桑翳感孟宣

充顏曜繡衣充顏至虎龍共二首

時盛昭業傾

詩風至微玄讀法如寒歲

章微恨微玄

衰年至音傾讀法如龍虎

共詩二十四首



圖七

讀法

思情時形

愆居歎如

自思感起四言反覆讀中段四互百俱可

感傷在勞

舊獨懷何

思感自寧孜孜傷情時在君側夢想勞形

自孜孜想

是為女賤

形勞至感恩

共三首

寧孜孜夢

念誰賤鄙

寧自感恩孜孜傷情君側在時夢想勞形

詩情明顯怨

夢想至感恩

共二首

始義

愆舊要是懷傷三段讀法俱同

共十三首

終興

詩情明顯怨義興理辭麗作此端無終始

無理

始終至情詩

辭麗至興理

興理至麗

端此作麗辭

辭

四言共四首

嬰漫丁寃

懷悲哀詐

詩情明顯怨怨義興理辭辭麗作此端端

是漫昇何

傷感情者

無終始詩

詩端至情詩

辭麗至理辭

憂何艱生

思永戚我

辭理至麗辭

五言共四首

懷思苦我

悼歎戚知

共詩二十四首

玄厓子少讀此文得絕句二百六十首及程篁墩家出衍聖孔公所藏



舊本僅至百四十首自爲天下之善讀者無過丁余矣後見黃山谷  
詩云千詩織就迴文錦如此陽臺暮雨何亦自英靈蘇蕙子只無悔過  
竇連波予已撫然自失又豈意起宗道人細玩是圖得三四五六七言  
若三十余首韵意悉如已出如庖下解牛肯綮無滯方知讀曹娥碑者  
其智相去三十里未足爲多也

名媛詩歸卷八

終















